

էին կացնում եկեղեցու որևէ մասում եղած ծակով, կամ հոր շալվարի տօտէրի միջով⁷⁸ կամ ննջեցյալին տանելիս՝ նաժի տակով: Ապագա հնարավոր հիվանդութիւնից՝ կամ անհաջողութիւնից պաշտպանվելու համար ուխտավորները խմբովին անց էին կենում Ս. Կակօփի՝ Հակոբի քարայրի միջով՝ մի կողմից մտնելով, մյուս կողմից դուրս գալով: Հիվանդացած անասունը բշուժ էին դրվագայի կամ հատկապես այդ նպատակով կառուցված դարպասաձև բացվածքի միջով:

Հիվանդութիւնը կարելի էր ձգել, մղել ուզած կողմը, ինչպես մի իր: Երկարատև հիվանդութեամբ տառապողն իր ձեռքի թաթը՝ մատները լայն բաց արած շրջում էր երեսով վեր և մի այնպիսի շարժում անում իր կարծեցյալ թշնամու կողմը, կարծես մի իր իրենից մղելիս լինելու և ասում էր՝ «Ա՛ռ, էս էլ քեզ»:

Ենթադրվում էր, որ այդ թշնամին որևէ շար ոգի, քաշկ կամ մի նախանձոտ մարդ էր:

Հիվանդութիւնը կարելի էր մի կտորի հանձնել և կապել ծառի ճյուղին, հանձնել քարին՝ այդ քարը քսելով հիվանդ տեղին և քարը կպցնել սրբավայրի պատին, մանավանդ Խուստուփի, կամ մի թելով կախել այնտեղ, օրինակ՝ Գորիսի Նրեատակի, Սրփ Մրտաւիսի այրում: Հիվանդ անասունին պետք էր երեք անգամ շրջեցնել սուր ծառի շուրջը և այդտեղ կտորել այն մահակը, որով անասունին այդտեղ էին բշել: Այդ կտորների հետ այդ վայրում կմնար նաև այդ կտորներին կապած հիվանդութիւնը:

Հիվանդութիւնը պատկերվում էր երբեմն կենդանական առանձնահատկութիւններով օժտված մի էակ, և եթե նա չի նկատվում որպես մարդու մեջ բնակված քաշկ, սակայն նկատվում էր որպես մի քաշկանման էակ, որին կարելի էր մարմնից դուրս վնդել, օրինակ, հոգնեցնելով: Այս մտայնութեամբ է թելադրված բժշկութեան մի վերին աստիճանի դաժան միջոց, որով կարծում էին, թե օգնութեան էին դալիս խրդլացավով բռնված մարդուն (մեծ մասամբ կնոջը), որը մի անհաջողութիւնից կամ ծանր ապրումներից հիվանդացած էր լինում: Այսպես, Արծվանիկում մի կին շորս երեխա կորցնելուց հետո, երբ հինգերորդ ծնվածին էլ է կորցնում, անծայր տրտմութեամբ համակված սկսում է վատ աշխատել, կտրվել արտաքին անցուղաճից և հենց որ մի տեղ երգի կամ նվագի ձայն էր լսում, իսկույն սկսում էր պարել: Նրան տանում էին այն տները, որտեղ լաց էին լինում նոր ննջեցյալի վրա՝ լաց լինելու և արցունք թափելու համար, որպեսզի արտասուքի հետ նրա վիշտն էլ փարատվի, սակայն լաց լինելու փոխարեն նա սկսում էր ծափ տալ և պարել: Զանազան բժիշկների խորհուրդներին դիմելուց հետո ազգականները վերհիշում են պապերից մնացած միջոցը: Նրանք հրավիրում են զուռնա-ղավալ և ստիպում են հիվանդին նրանց նվագով պարել, իրենք էլ հերթով նրա հետ էին պարում, հիվանդին թույլ չտալով պարը դադարեցնել: Երբ հիվանդ կինը սկսում էր գանգատվել ոտքերի և ձեռքերի ցավից, գլխացավից և մրսելուց, պարը դադարեցնում էին նույն կամ մյուս օրը կրկնելու համար, մինչև որ հիվանդը չափազանց հոգնելուց հետո, երկար քուն էր մըտնում: Արթնանալուց հետո նա բոլորովին առողջանում էր: Խրդլացավի այս եղանակով բուժելու դեպքեր պատմում էին նաև Բեխում և այլ դյուղերում: Հոգնեցնելով հիվանդին՝ հոգնեցնում էին և հիվանդութիւնը որպես մի կեն-

⁷⁸ Григоров, Н., Село Татев, СМОМПК, вып. XIII, отд. I, էջ 117: